



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-356-4/24**

Datum: **08.11.2024. god**

«Agencija za vodno područje rijeke Save» Sarajevo rješavajući po zahtjevu pravnog lica «KOTEKS» d.o.o. Tešanj za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta poslovno-proizvodnog kompleksa za skladištenje sirove kože i proizvodnju kožne i tekstilne galanterije u Poslovnoj zoni Vila, općina Tešanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «KOTEKS» d.o.o. Tešanj daje se vodna dozvola za ispuštanje tehnoloških otpadnih voda u prirodni recipijent sa lokaliteta poslovno-proizvodnog kompleksa za skladištenje sirove kože i proizvodnju kožne i tekstilne galanterije izgrađenog u Poslovnoj zoni Vila, na zemljištu označenom kao k.č. broj: 5/6, 5/13, 5/15, 5/19, 5/20 i 5/21 K.O. Novo Selo, općina Tešanj.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog poslovno-proizvodnog kompleksa lociranog u Poslovnoj zoni Vila u Tešnju vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se sistem za prikupljanje i prečišćavanje otpadnih voda i objekti na lokalitetu predmetnog kompleksa održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.3. Da se, za vrijeme trajanja ove dozvole, obezbijedi da se tehnološke otpadne vode nastale pranjem podova u pogonu za soljenje/konzerviranje i skladištenje sirove kože prikupljaju zasebnim kanizacionim sistemom, odvođe u taložnik a potom, zajedno sa prikupljenim tehnološkim otpadnim vodama nastalim u prostoru gdje se vrši prijem sirove kože i pranje dostavnih vozila i ambalaže, odvođe na tretman u mastolov. Prečišćene vode se preko okna za monitoring ispuštaju u putni kanal a potom u rijeku Tešanjku.
 - 2.4. Prečišćene otpadne vode nastale u pogonu gdje se vrši prijem kože, pranje ambalaže, soljenje/konzerviranje i skladištenje sirove kože (mjerno mjesto E₁), prije ispuštanja u recipijent, moraju ostati u maksimalno dopuštenim granicama definisanim u Prilogu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.5. Da se, za vrijeme trajanja ove dozvole, obezbijedi da se oborinske eventualno onečišćene vode sa platoa, saobraćajnih i parking površina oba proizvodna objekta, prikupljaju zasebnim kanizacionim sistemima sa slivnicima te odvođe na tretman u separatore ulja i masti. Prečišćene vode preko okna za monitoring se ispuštaju u recipijent (putni kanal odnosno rijeka Tešanjka).
 - 2.6. Da se, za vrijeme trajanja ove dozvole, u potpunosti završe radovi na uređenju saobraćajnih i parking površina oba proizvodna objekata kako bi sistemi za prikupljanje i tretman oborinskih eventualno onečišćenih voda bili u potpunosti funkcionalni.
 - 2.7. Prečišćene oborinske vode prije ispuštanja u recipijent moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije.
 - 2.8. Objekte koji se koriste u svrhu prikupljanja, odvodnje i tretmana otpadnih voda nastalih na lokalitetu proizvodno poslovnog kompleksa (kanizaciona mreža sa kompletnog radnog i manipulativnog prostora, slivnici, slivničke rešetke, taložnik, mastolov, separatori ulja i masti...) potrebno je održavati i koristiti na takav način koji će obezbijedi njihovu potpunu ispravnost i funkcionalnost. O načinu i vremenu radova održavanja neophodno je voditi službenu evidenciju i arhivu.

- 2.9. Čišćenje i pražnjenje uređaja za tretman otpadnih voda, odnosno taložnika, mastolova i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja mastolova i separatora ulja i masti, izdvojenim naftnim derivatima i talogu iz istih.
- 2.10. Otpad nastao u postupku prerade kože, istaložena so, talog iz taložnika, mastolova i separatora ulja i masti, otpad nastao u proizvodnom postupku kao i ostali opasni i neopasni otpad, se ne smiju ni privremeno odlagati na česticu «vodno dobro» odnosno u vodotoke i na njegove obale.
- 2.11. Da se u skladu sa propisima iz oblasti zaštite okoliša, vrši bezbjedno i redovno skupljanje otpada nastalog u postupku soljenja/konzerviranja i skladištenja kože kao i čvrstog opasnog i neopasnog otpada sa kompletnog kruga kompleksa, isti propisno skladišti do njegovog konačnog zbrinjavanja od strane ovlaštene organizacije.
- 2.12. Vlasnik odnosno korisnik kompleksa je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.13. Vlasnik odnosno korisnik kompleksa je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik kompleksa je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), na osnovu utvrđenog stepena zagađenja ispuštenih otpadnih voda izraženog preko broja EBS-a (ispitivanje urađeno od strane ovlaštene laboratorije) obavezan je, za utvrđeni broj EBS-a prema rezultatima ispitivanja, plaćati posebnu vodnu naknadu za zaštitu voda.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom poslovno-proizvodnom kompleksa obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog kompleksa dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Od strane pravnog lica «KOTEKS» d.o.o. Tešanj dana 16.07.2024. godine podnesen je ovoj Agenciji zahtjev za izdavanje vodne dozvole za ispuštanje tehnoloških otpadnih voda sa lokaliteta poslovno-proizvodnog kompleksa za skladištenje sirove kože i proizvodnju kožne i tekstilne galanterije izgrađenog u Poslovnoj zoni Vila, na zemljištu označenom kao k.č. broj: 5/6, 5/13, 5/15, 5/19, 5/20 i 5/21 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda uz sudskog registra broj: 043-0-RegZ-24-001985 izdatog dana 27.06.2024. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 18.02.2021. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6761-3/17 izdatog dana 15.03.2021. godine od strane Uprave za indirektno-neizravno oporezivanje Banja Luka,
- Kopija Rješenja o odobrenju za upotrebu I faze poslovnog objekta broj: 12-23-1529/01 izdatog dana 14.03.2001. godine i dopuna Rješenja (isti broj) izdatog dana 03.04.2002. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za upotrebu II faze poslovnog objekta broj: 12-23-3320/03 izdatog dana 22.09.2003. godine i dopuna Rješenja broj: 12-23-3320-1/03 izdatog dana 11.12.2003. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o urbanističkoj saglasnosti za izgradnju sistema za tretman tehnoloških i oborinskih otpadnih voda preduzeća «KOTEKS» d.o.o. Tešanj broj: 06-23-1-1601/17 izdatog dana 31.07.2017. godine od strane Službe za katastar, urbanizam i imovinsko-pravne poslove, Općina Tešanj,
- Kopija Rješenja o odobrenju za građenje sistema za tretman tehnoloških i oborinskih otpadnih voda preduzeća «KOTEKS» d.o.o. Tešanj broj: 06-23-2-2541/17 izdatog dana 28.08.2017. godine od strane Službe za katastar, urbanizam i imovinsko-pravne poslove, Općina Tešanj,
- Zaključak o odbacivanju zahtjeva za izdavanje okolinske dozvole broj: 12-19-7268-1/21 izdatog dana 29.11.2022. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (nepostojanje uslova za pokretanje postupka),
- Kopija Rješenja o vodnoj dozvoli broj: UP-I/25-3-40-055-6/19 izdatog dana 30.05.2019. godine od strane «Agencije za vodno područje rijeke Save» Sarajevo,
- Glavni projekat tehnoloških i oborinskih otpadnih voda u pogonu preduzeća «KOTEKS» d.o.o. Tešanj, urađen od strane «Instituta za hidrotehniku» d.d. Sarajevo, (broj: TSP-04-415/15, juni 2015. godine) - na uvid,
- Projekat izvedenog stanja odvodnje tehnoloških i oborinskih otpadnih voda u pogonu preduzeća «KOTEKS» d.o.o. Tešanj, urađen od strane «Instituta za hidrotehniku» d.d. Sarajevo, februar 2019. godine - na uvid,
- Kopija Izvještaja o rezultatima ispitivanja tereta zagađenja otpadnih voda pogona «KOTEKS» d.o.o. Tešanj izraženog preko EBS-a (broj: 19/24, juli 2024. godine) urađen od strane «Inspekt-RGH» d.o.o. Sarajevo,
- Kopija Izvještaja o monitoringu kvaliteta i kvantiteta otpadnih voda pogona «KOTEKS» d.o.o. Tešanj - mjerno mjesto E1 (broj: 1768/23, decembar 2023. godine i broj: 2122/24, oktobar 2024. godine) urađenih od strane «Inspekt-RGH» d.o.o. Sarajevo,
- Kopija Ugovora o odvozu i deponovanju otpada životinjskog porijekla zaključenog dana 03.10.2016. godine između «KOTEKS» d.o.o. Tešanj i KP «PROGRES» a.d. Doboj (prilog - račun broj: 11233/2024 od 30.09.2024. godine),
- Kopija Ugovora o čišćenju separatora, preradi zauljene vode i zauljenog mulja i taloga) zaključenog dana 24.01.2024. godine između «KOTEKS» d.o.o. Tešanj i «EKO-SERVIS» d.o.o. Tešanj (prilog - račun broj: 6-OM-24 od 21.02.2024. godine),
- Kopija Operativnog plana mjera u slučaju vanrednih i incidentnih zagađenja urađen od strane «Inspekt-RGH» d.o.o. Sarajevo, decembar 2021. godine,
- Plan upravljanja otpadom urađen od strane «ZAGREBINSPEKT» d.o.o. Mostar, juli 2021. godine,

- Elaborat zaštite okoliša kompleksa za skladištenje sirove kože sa pratećim sadržajima urađen od strane «ZAGREBINSPEKT» d.o.o. Mostar (broj: 01-2-29-VII/21, juli 2021. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog proizvodno poslovnog kompleksa u Poslovnoj zoni Vila u Tešnju i tom prilikom je sačinjen Zapisnik o uviđaju broj: UP-1/21-3-40-356-3/24 od 05.11.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleksa «KOTEKS» d.o.o. Tešanj čini stari objekat - proizvodno skladišna hala na lijevoj strani regionalnog puta R-475 Tešanj-Tešanjka i novi proizvodni objekat na desnoj strani puta u Poslovnoj zoni Vila, općina Tešanj. Osnovna namjena kompleksa je otkup sirove kože te proizvodnja kožne i tekstilne galanterije procesima obrade prethodno pripremljene osnovne sirovine-goveđe, jagnjeće, kozje kože i tekstila.

Snabdijevanje vodom kompleksa obezbijeđeno je priključkom na gradski vodovodni sistem kojim upravlja JP «RAD» d.d. Tešanj. Otpadne vode iz sanitarnog čvora za uposlenike se prikupljaju zasebnim kanalizacionim sistemom i upuštaju u vodonepropusnu septičku jamu. Čišćenje i pražnjenje iste je u nadležnosti JP «RAD» d.d. Tešanj.

U dijelu starog proizvodnog objekta gdje se vrši prijem sirove kože i pranje dostavnih vozila i ambalaže, tehnološke otpadne vode se prikupljaju zasebnim sistemom slivnika, revizionih okana i kanalizacione mreže putem kojih se iste odvođe, preko sabirnog okna, na tretman u mastolov. U skladišnom dijelu starog proizvodnog objekta, tehnološke otpadne vode nastale pranjem površina na kojima se vrši soljenje/konzerviranje i skladištenje sirove kože prikupljaju se zasebnim sistemom paralelnih kanala a potom sabirnim kolektorom odvođe na tretman u taložnik a potom u mastolov. Nakon tretmana prikupljenih voda u mastolovu, prečišćene vode se preko okna za monitoring ispuštaju u putni kanal a potom u rijeku Tešanjku.

Oborinske vode sa platoa, saobraćajnih i parking površina oba proizvodna objekta se prikupljaju zasebnim kanalizacionim sistemima te odvođe na tretman do separatora ulja i masti sa koalescentnim filterom. Nakon tretmana u separatorima, prečišćene vode se ispuštaju u recipijent (obodni/putni kanal odnosno rijeka Tešanjka). Uvidom na licu mjesta utvrđeno je da radovi na uređenju platoa oko proizvodnih objekata (asfaltiranje i sl.) nisu u potpunosti završeni.

Otpad nastao u postupku prerade kože se prikuplja u posebnim, zatvorenim posudama do odvoza i zbrinjavanja od strane ovlaštene firme prema ugovoru (KP «PROGRES» a.d. Doboj).

Čišćenje taložnika, mastolova i separatora se vrši redovno prema ugovoru zaključenom sa «EKO-SERVIS» d.o.o. Tešanj.

Monitoring otpadnih voda se vrši redovno. Na uvid predloženi izvještaji broj: 1768/23 i broj: 2122/24, oktobar 2024. godine o ispitivanju kvaliteta otpadnih voda za decembar 2023. i oktobar 2024. godine (mjerno mjesto E₁ – preliv iz mastolova) urađeni od strane «Inspekt RGH» d.o.o. Sarajevo. Prema podacima iz dostavljenih Izvještaja utvrđeno je da ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Prema dostavljenom Izvještaju o rezultatima ispitivanja tereta zagađenja otpadnih voda «KOTEKS» d.o.o. Tešanj izraženog preko EBS-a, urađenom u julu 2024. godine od strane «Inspekt-RGH» d.o.o. Sarajevo, utvrđen je ukupan teret zagađenja otpadnih voda izražen kao ekvivalentni broj stanovnika: 701,9 ES-a.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog poslovnog-proizvodnog kompleksa na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije.

Konstatuje se da je podnosilac zahtjeva «KOTEKS» d.o.o. Tešanj, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta poslovno-proizvodnog kompleksa za skladištenje sirove kože i proizvodnju kožne i tekstilne galanterije izgrađenog u Poslovnoj zoni Vila, općina Tešanj, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog proizvodno poslovnog kompleksa utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-356-2/24 od 27.08.2024. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- «KOTEKS» d.o.o. Tešanj
- Poslovna zona Vila br 43, 74260 Tešanj
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava